



KEMENTERIAN SUMBER MANUSIA

KENYATAAN MEDIA

PELANTIKAN BAHARU Pengerusi Mahkamah Perusahaan Malaysia, Jawatan GRED UTAMA C (TERBUKA) SELAMA (2 + 2) TAHUN

Mahkamah Perusahaan Malaysia (MPM) adalah sebuah tribunal dan badan tunggal yang berperanan untuk memutuskan kes-kes yang melibatkan pembuangan kerja, perjanjian kolektif dan pertikaian perusahaan di antara majikan, pekerja dan kesatuan-kesatuan sekerja yang berkaitan. MPM telah ditubuhkan di bawah Akta Perhubungan Perusahaan 1967 [Akta 177].

Salah satu Petunjuk Prestasi Utama (KPI) Menteri Sumber Manusia di bawah Kerangka Strategik Malaysia MADANI (KSMM) yang melibatkan MPM ialah **Reformasi Mahkamah Perusahaan Malaysia dan Mahkamah Buruh di mana fokus utama adalah:**

- a) Memendekkan **Tempoh Masa Proses Pengadilan**;
- b) Mengurangkan **Kes-Kes Tertunggak di Mahkamah Perusahaan Malaysia dan Mahkamah Buruh**; dan
- c) Menambah Baik **Fasiliti dan Kemudahan** di Kedua-dua Mahkamah.

Bagi mencapai KPI yang ditetapkan, salah satu inisiatif yang diambil ialah dengan melantik **tiga (3) orang Pengerusi** yang berpengalaman luas dalam bidang perundangan perburuhan iaitu:

YA Tuan Jeyaseelan a/l T. Anthony
YA Puan Vanithamany a/p Sivalingam
YA Tuan Arun Kumar a/l S Kanesin

Lebih istimewa, pelantikan **YA Tuan Arun Kumar a/l S Kanesin** sebagai **Pengerusi Mahkamah Perusahaan** yang baharu pada usia 45 tahun menjadikan beliau Pengerusi termuda dalam sejarah terkini MPM. Ini merupakan satu pencapaian yang signifikan, menandakan perubahan generasi dalam kepimpinan Mahkamah Perusahaan. Sebelum ini, YBhg. Tan Sri Ahmad Terrirudin bin Mohd Salleh, yang kini Peguam Negara, memegang gelaran Pengerusi termuda apabila dilantik pada tahun 2007 ketika beliau berumur 39 tahun. Gabungan kepimpinan muda dan mereka yang berpengalaman ini akan terus memperkukuhkan kecekapan Mahkamah dalam mengendalikan kes-kes perburuhan dengan lebih pantas dan berkesan.

Dengan pelantikan tiga (3) orang Pengerusi ini, maka lengkaplah pengisian jawatan Pengerusi di MPM. Adalah diharap dengan pelantikan ini akan dapat mempercepatkan masa pengendalian kes-kes dan seterusnya dapat meningkatkan bilangan kes-kes yang diselesaikan di MPM.

**MENTERI SUMBER MANUSIA
KUALA LUMPUR
13 NOVEMBER 2024**